



**SAMOSTALNI SINDIKAT OSNOVNOG OBRAZOVANJA I ODGOJA
FEDERACIJE BOSNE I HERCEGOVINE – KANTONALNI ODBOR USK-a**

Bihać, Ul. Krupska bb

**Tel/fax ++387 37 223-661
e-mail: ssooio.kousk@yahoo.com**

Broj. 01-HZ-06/16.
Bihać, 15. 01. 2016. godine

Na osnovu člana 156. Zakona o radu („Službene novine F BiH“ broj: 62/15.) člana 2. Zakona o štrajku (Sl. novine FBiH broj 14/00), člana 38. stav 2. Općeg Kolektivnog ugovora za teritoriju F BiH („Službene novine F BiH“ broj: 54/05. i 62/08) člana 6, 29. i 109. Statuta Samostalnog sindikata osnovnog obrazovanja i odgoja Federacije Bosne i Hercegovine, Pravila o štrajku Samostalnog sindikata osnovnog obrazovanja i odgoja F BiH, Kantonalni odbor SSOOiO USK-a na svojoj 21. sjednici, održanoj 14. 01. 2016. godine, donosi

O D L U K U

o organizovanju i održavanju štrajka upozorenja
o u svim ustanovama predškolskog i osnovnog obrazovanja i odgoja na području USK-a

Član 1.

Ovom Odlukom utvrđuje se mjesto, dan i vrijeme, održavanja štrajka upozorenja, razlozi organizovanja štrajka upozorenja, zahtjevi radnika u štrajku upozorenja, imena članova štrajkačkog odbora, prava i obaveze štrajkačkog odbora u vođenju štrajka i datum donošenja Odluke o stupanju u štrajk upozorenja.

Član 2.

S ciljem ispunjavanja zahtjeva definisanih ovom Odlukom, Kantonalni odbor SSOOiO USK-a, organizuje štrajk upozorenja, počev od dana 01. 02. 2016. godine u trajanju od po 15 min. i to od 08:00 do 08:15 i od 14:00 do 14:15 sati.

Štrajk upozorenja iz prethodnog stava će se održavati svaki naredni dan u istom vremenskom periodu do ispunjenja zahtjeva iz člana 4. ove Odluke.

Član 3.

Radnici će se u vrijeme štrajka upozorenja iz člana 2. ove Odluke nalaziti u ustanovama predškolskog i osnovnog obrazovanja i odgoja na području USK-a.

Član 4.

Štrajk iz člana 2. ove Odluke organizuje se kao metod Sindikalne borbe iz slijedećih razloga:

1. Neispunjavanje tačaka iz Sporazuma, potpisanog 14. 09. 2015. godine ;
 - Neuvršavanje dječijih vrtića na Budžet USK-a,
 - Nedonošenje Odluke oko izjednačavanja naknada za porodijsko bolovanje za sve koji plaću primaju sa Budžeta,
 - Neispunjavanje zahtjeva za obračun minulog rada pomoćnog osoblja,
 - Neuvršavanje stavke za isplatu po sudskim izvršenjima u Budžet, a ni dostavljanja plana isplate istih,
2. Neisplaćenih dugovanja, plaća i naknada:
 - Plaća za decembar 2015. godine,
 - Topli obroci za septembar, oktobar, novembar i decembar 2015. godine,
 - Prevoz sa posla i na posao za cijelu 2015. godinu,
 - Regres za 2014. godinu i 2015. godinu,
 - Naknade za smrtne slučajeve i otpremnine u 2015. godini,
3. Prijem radnika u radni odnos bez konkursa;
4. Nepostojanje dogovora oko visine osnovice i koeficijenata za isplatu plaća i naknada koje nemaju karakter plaća za radnike u predškolskom i osnovnom obrazovanju i odgoju USK-a.

Član 5.

Štrajk se organizuje isključivo radi ostvarivanja ekonomskih i socijalnih prava radnika i u tom cilju postavljaju se slijedeći zahtjevi:

1. Izvršenje svih tačaka potpisanog Sporazuma od 14. Septembra 2015. godine,
 - donošenje Odluke o uvrštavanju dječijih vrtića na Budžet USK-a,
 - donošenje Odluke oko izjednačavanja porodijskog bolovanja za sve koji primaju plaću sa Budžeta USK-a,
 - usklađivanje obračuna minulog rada za pomoćno osoblje u skladu sa Kolektivnim ugovorom,
 - u rebalansu Budžeta predvidjeti stavku za isplatu po sudskim presudama i izraditi plan isplata po sudskim presudama za naredni period,
2. Isplata zaostalih dugovanja, plaća i naknada,
 - plaća za decembar 2015. godine
 - Topli obroci za septembar, oktobar, novembar i decembar 2015. godine,
 - Prevoz sa posla i na posao za cijelu 2015. godinu,
 - Regres za 2014. godinu i 2015. godinu,
 - Naknada za smrtne slučajeve i otpremnine u 2015. godinu,
3. Spriječiti prijem radnika u radni odnos bez konkursa,
4. Postizanje dogovora oko izjednačavanja plaća radnika u predškolskom i osnovnom obrazovanju sa ostalim Budžetskim korisnicima,
5. Nepostojanje dogovora oko visine osnovice i koeficijenata za isplatu plaća i naknada koje nemaju karakter plaća za radnike u predškolskom i osnovnom obrazovanju.

Član 6.

Štrajkom rukovodi Štrajkački odbor SSOOiO USK-a koji čini 5 (pet) članova i to:

1. Hadžić Zehra
2. Kurtagić Amel
3. Shokumbi Beba
4. Halilović Ernes
5. Arnautović Kasim

Sjedište Štrajkačkog odbora SSOOiO USK-a je u Bihaću u prostorijama Kantonalnog odbora, Krupska 26.

Štrajkački odbor SSOOiO USK-a, donosi uputstvo o organizaciji i načinu vođenja štrajka.

Štrajkačke odbore u Sindikalnim podružnicama čine članovi Sindikalnog odbora, Sindikalne podružnice.

Štrajkački odbor SSOOiO USK-a poziva Vladu USK-a na intenzivne pregovore.

Član 7.

Povjerenik svake Sindikalne podružnice – članice SSOOiO USK-a će sporazumno sa svojim poslodavcem utvrditi minimum poslova koji se ne mogu prekidati za vrijeme štrajka u skladu sa članom 5. Zakona o štrajku.

Sporazum iz stava 1. ovog člana naročito treba da sadrži odredbe o poslovima i broju radnika koji su dužni da rade za vrijeme trajanja štrajka radi osiguranja minimuma poslova, te odredbe o poslovima obezbjeđenja sigurnosti imovine i lica.

Član 8.

Štrajkački odbor je ovlašten da donese Odluku o predstanku štrajku upozorenja ukoliko se ispune zahtjevi SSOOiO USK-a iz člana 5. ove Odluke.

Član 9.

Za komunikaciju s javnošću zadužuju se:

1. Dervišević Reufa
2. Halilović Ernes

Član 10.

Odluka stupa na snagu danom donošenja.

Dostavljeno:

- Poslodavcima – direktorima škola
- Upravnom odboru SSOOiO F BiH,
- MUP-u USK-a
- Ministru obrazovanja USK-a,
- Sredstvima javnog informisanja
- Sindikalnim povjerenicima SSOOiO USK-a,
- a/a

PREDSJEDNIK KO SSOOiO USK-a



Hadžić Zehra

Hadžić Z.